

ATENTATUA ANDOAINEN. PSE-EEK zentsura mozioa jarri nahi du Andoingo alkatearen kontra, larunbateko atentatua gaitzetsi ez zuelako, baina mozioak aurrera egiteko ezinbestekoa dute EAJ-EAren babesak, eta ez dute lortu; PPrena, ordea, bai.

PSE-EEK zentsura mozioa jarri nahi du, EAJ-EAren babesik ez badauka ere

PPk sozialisten testua babesteko asmoa du, baina gehiengo osoa behar da mozioa aurrera ateratzeko

Erredakzioa | DONOSTIA

Jose Antonio Barandiaran Andoingo alkatearen (Sozialista Abertzaleak) aurka zentsura mozioa jarriko duela jakinarazi zuten atzo PSE-EEK, Joseba Pagazaurtunduren hilketa gaitzesteko idatzia babestu ez zuela eta. Alabaina, badirudi mozioak ezingo duela aurrera egin, PP alde agertu arren EAJ egitasmoaren aurka baitago, eta Udaleko gehiengo osoaren oniritzia behar da zentsura mozioa tramitera onartzeko.

Mikel Arregi Andoingo EAJko zinegotziak aukera aztertuko dutela esan bazuen ere, Juan Mari Juaristi EAJren GBBko presidenteak garbi utzi zuen jeltzaleek ez dutela mozioa «inola ere» babestuko. Euskadi Irratian egin zioten elkarrizketan esan zuenez, mozioaren helburua «EAJren kontra joatea, EAJ erantzule bihurtzea» da. «Ez gara joko horretan eroriko».

Josu Jon Imaz Eusko Jaurlaritzako bozeramaileak, berriz, esan zuen «benetako zentsura mozioa» maiatzeko hauteskundeetan etorriko dela «bizitzeko eskubidea defendatzeko printzipioak argi ez dituztenentzat». Haren hitzetan, «gure aurkaria ETA da, arma eskuetan hartzen duena», eta «ez gara aurkariz nahastuko». Jose Luis Bilbao Bizkaiko ahaldu nagusirako hautagai jeltzaleak ere bide horretatik jo zuen: «Madrilen atentatu bat dagoenean, errua ez du bertako alkateak». Haren iritziz, «gehiengoak errespetatu egin behar dira».

PSE-EEK tramiteei ekin die

Zentsura mozioa aurkezteko tramiteei ekin die Andoingo PSE-EEK, Patxi Lopez PSE-EEKo idazkari nagusiak atzo azaldu zuenez. Andoingo Udaleko oposizioko talde nagusia izaki, mozioa aurkeztea beraiei dagokiela dio. Jose Antonio Perez Gabarain alkate ohia proposatuko dute alkatetzarako. Duela hilabete inguru, PPk mozio bat jarri zuen Andoingo alkatearen kontra, eta sozialisten eska-



JUAN HERRERO / EFE

Andoingo Elkarte Sozialistari Joseba Pagaza Askatasun Eremua izena jarri diotela adierazteko, txartela ipini zuten bost zinegotzi sozialistek.

GASTEIZKO UDALA

Agintea kentzearen alde

Azken atentatua gaitzetsi zuen atzo Gasteizko Udalak, bost puntuko adierazpen baten bidez, PP, PSE-EE, UA, EAJ-EA eta EB-IUren aldeko botoekin. EHk ez zuen bozketan parte hartu. Onartutako testuak, ETaren atentatua arbuia-tzeaz gain, ezker abertzaleak Hego Euskal Herriko udaletxeetan ez agintzeko nahia azaltzen du: *Terroristei eta beren konplizeei edozein gune ixteko konpromisoa berretsi behar dugu. Ezin dugu onartu hilketa bat gaitzesten ez duenak Euskal Herriko eta Nafarroako udal batean agintzea, zilegitasunik ez baitauka*, dio hitzez hitz puntu horrek.

Hain justu, puntu horren inguruko ika-mika sortu zen atzo jeltzaleen eta PPren artean. Izan ere, EAJk gaitzespen oharra babestu arren, hi-

rugarren puntu horrekiko desadostasuna adierazi zuen. Maria Jesus Agirre EAJko zinegotziak osoko bilkuraren ostean adierazi zuen ezker abertzaleak udaletxeetan ez agintzeko erabakia hartzea ez dagokiola bere udal taldeari, «alderdi politikoei» baizik. «Halako erabakiak hartzea haien esku legoke, hala erabakiko balute beste udal batzuetan», adierazi zuen. Manu Allende jeltzalea ere ez zen erabat bat etorri puntu horrekin: «Horietako batzuetan EHk gehiengoa du, eta botoek ematen diote agintzeko zilegitasuna», esan zuen.

Alabaina, Alfonso Alonso alkateak (PP) ukatu egin zuen EAJk agiriaren hirugarren puntua onartu zuenik, eta ildo horretan, kritikatu egin zuen EAJk ETaren jarduerarekin amaitzeko konpromisorik ez hartzea. «Nahikoa da erreto-lizez, eta gaitzespenak Ibarretxeren malko falsuetara mugatzeaz», adierazi zuen.


riz erretiratu egingo du, PSE-EEren testuarekin bat egiteko. Lopezek esan zuenez, Andoainek ETaren atentatuak «ez gaitzesteaz gain justifikatu ere egi-

ten dituen alkatea» izan ez dezan aurkeztuko dute mozioa, «Andoainek salarientzat eta hiltzaileentzat zigorgabetasun eremua izateari utz diezaion».

Udaleko oposizioko taldeen babesak lortzeko elkarrizketei atzo bertan ekingo zieten adierazi zuen Lopezek. Andoingo Udalean bosna zinegotzi dituzte

Andoingo udalaren osaera

Hautetsi kopurua, 17
Gehiengo absolutua, 9



J. APEZTEGIA

Batasunak, PSE-EEK eta EAJ-EAk, eta bi PPk. Pagazaurtunduren omenez Andoingo Herriko Etxean egindako ekitaldian hitz egin zuen Lopezek.